

Sakspapir

Sakshandsamar	Arkiv	ArkivsakID
Sveinung Toft	FA-K90	21/50

Saknr	Utval	Type	Dato
047/2022	Formannskapet	PS	29.04.2022
	Kommunestyret	PS	
007/2022	Ungdomsrådet	PS	02.05.2022

Vidare prosess med mogeleg nasjonalpark i Masfjorden (og Alver) kommune

Vedlegg:

Journalposttittel	Dato
Oppdrag om bevaring av verdifull natur i kategori nasjonalpark	18.02.2022
Bevaring av verdifull natur, faglig vurdering av foreslåtte områder i kategori nasjonalpark	08.04.2021
Bevaring av verdifull natur - nasjonalparker	08.04.2021
Faglig vurdering av mulige nye nasjonalparkområder	18.01.2021

Rådmannen sitt framlegg til vedtak:

Masfjorden kommune sluttar seg til å gjennomføre ein vidare prosess for etablering/ vurdering av nasjonalpark i Masfjordfjella. Arbeidet skal skje i dialog med Alver kommune, Statsforvaltaren i Vestland, grunneigarar og interesseorganisasjonar.

Saksopplysningar:

Bakgrunn og fakta:

Klima- og miljødepartementet (KLD) gav i brev 19.09.2018 Miljødirektoratet oppdrag å føreslå områder som skal vurderast i vidare arbeid med supplerande vern. Oppdraget var oppfølging av Meld. St. 14 (2015-2016) Natur for livet – Norsk handlingsplan for naturmangfald. Miljødirektoratet starta arbeid med ein fagleg vurdering om det er område som kan vere aktuelle som nye nasjonalparker. Det kunne vere utviding av eksisterande nasjonalparker, endring av landskapsvernområde til nasjonalpark, eller oppretting av nye nasjonalparker. Eit fjellområde (sjå kartutsnitt nede i teksten) i Alver og Masfjorden kommunar vart tilrådd å gå vidare med som ny nasjonalpark.

I rapporten «Bevaring av verdifull natur, anbefalingar og vurderingar av foreslåtte områder i kategori

Nasjonalpark» står det: «Kommuner: Masfjorden, Alver

Vegetasjonssone: Nordboreal. Areal (foreløpig beregning): 129 km²

Det foreslåtte området utgjør et stort naturområde uten tekniske inngrep og der det verna Eikemovassdraget inngår. Området har en svært viktig landskapsøkologisk funksjon som kjerneområde for naturmangfold. Det er aktive støler i drift i området som også har en viktig kulturhistorie. Området inngår i Nordhordland biosfæreområde. Det er ikke gjennomført systematisk naturtype – eller artskartlegging i området slik at kunnskapen om naturmangfold er noe mangelfull. Det er likevel registrert 10 truede arter i området, bl a bergirisk (NT), sivspurv (NT), ullbakkestjerne (NT) og høyfjellsveronika (NT). Berggrunnen er dominert av ulike former for gneis som gir lite plantenæringsstoff og derfor grunnlag for nøysom og artsfattig vegetasjon. Av rovfugler er kongeørn registrert med fast tilhold.

Bergen og Hordaland Turlag har ei selvbetjent hytte og godt merkede turstier i området. Store deler av området er registrert som svært viktig friluftsområde.

Andre interesser: Landbruk, friluftsliv

Trusler: Arealendringer

Mest aktuell verneform: Landskapsvernområde, nasjonalpark

Verneverdi: Stor

Miljødirektoratets vurdering: Området vil utvide vernet areal i en region med relativt liten vernedekning i dag og vil bidra til et mer robust nettverk. Området inneholder høydegradienter fra 300 til 600 m.o.h.

Forslaget bør videre utredes gjennom en verneplanprosess hvor en også bør se på mulige utvidelser mot Osterfjorden, noe som vil øke høydegradientene vesentlig, eventuelt i kombinasjon med frivillig vern av skog.»



Kart over område, med den blå lina som er foreslått som Nasjonalpark.

Vurdering

Det var ei orientering ved Statsforvaltar i Masfjorden kommunestyre den 24. februar om saka, etter at oppdragsbrevet tidlegare vart oversendt, sjå vedlegg. Det er ein premisse at verneprosessen skal skje i samarbeid med kommune, interesseorganisasjonar og grunneigarar. Statsforvaltar har behov for ei formell avklaring om Masfjorden kommune ønskjer å vere med å førebu og gjennomføra vidare prosess for nasjonalpark-vern i fjellområda som er vist i kartet. Dersom kommunestyre ønskjer å gå vidare med dette arbeidet, vil kommunen vidare i prosessen ha eit nært samarbeid med Statsforvaltaren i Vestland med fleire. Grunneigarane og andre interesseorganisasjonar skal og ha høve til reell medverknad i prosessen.

Vern av eventuell privateigd skog i samband med eventuelt nytt vern av område til nasjonalpark, må skje gjennom frivillig skogvern. Arbeidet vert styrt etter Rundskriv T-2/15, Saksbehandlingsregler ved områdevern etter naturmangfaldlova, frå Klima og miljødepartementet.

Konklusjon

Rådmannen rår til at Masfjorden kommune sluttar seg til å gjennomføre ein prosess for etablering/ vurdering av nasjonalpark i Masfjordfjella. Arbeidet skal skje i dialog med Alver kommune, Statsforvaltaren i Vestland, grunneigarar og interesseorganisasjonar.

Formannskapet - 047/2022

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Masfjorden kommune sluttar seg til å gjennomføre ein vidare prosess for etablering/ vurdering av nasjonalpark i Masfjordfjella. Arbeidet skal skje i dialog med Alver kommune, Statsforvaltaren i Vestland, grunneigarar og interesseorganisasjonar.